



# Kgothatso Montjane, Mutambimakone wa Thenisi

Glanice Masilo  
Sibusiso Khumalo



---

Heyi bugu ya nganea ndi ya Kgothatso  
Montjane.

O bebwa nga 1986 ngei Polokwane, lokishini la  
Seshego.

Hoyu musidzana o bebwa e na vhulwadze vhu  
kwamaho zwanda na milenzhe yawe.

Fhedzi o aluwa a vha mutambi wa bvumo wa  
thenisi!



Vhulwadze ha Kgothatso ho ita uri madokotela vha tumule mulenzhe wawe muthihi nga fhasinyana ha gona. Zwino u shumisa mulenzhe wa mafanedza.

Musi a tshee mutuku, vhañwe vhana vho vha vha sa togi u tamba nae nga nthani ha vuholefhali hawe.

Fhedzi mme awe a vho ngo mu fara sa muholefhali, nahone Kgothatso o vha e na mishumo ya hayani.



Mme a Kgothatso vho mu isa tshikoloni tsha *Helen Franz Special Needs School*.

Hetshi tshikolo ndi tsha vhagudiswa vha re na vuholefhali.

Musi e kha tshenetshi tshikolo ndi hone he a sumbedza mpho yawe kha zwa mitambo.

Tshikoloni, o guda u tshina mitshino ya *Ballroom* na *Latin America*.



Muñwe wa vhadededzi vha Kgothatso, o mu khetha uri a ye u imela tshikolo tsha have kha mitambo ya thenisi ngei Johannesburg.

Kgothatso o vha a sa athu vhuya a tamba thenisi!



Kgothatso o tamba zwavhuḽi kha yeneyo mitambo.  
Zwa vha mathomo a lwendo lwawe lwa u vha mutambi  
wa thenisi a dzulaho kha tshidulo tsha vhaholefhali.

O lambedzwa nga tshidulo tsha vhaholefhali na  
zwishumiswa zwa thenisi.

O vha e ngilani ya u vha mutambi wa muholefhali wa  
nḽhesa wa Afrika Tshipembe.



Kgothatso o thoma u dzhenela miṭaṭisano ya vhathu vha re kha zwidulo zwa vhaholefhali u mona na shango.

O fhenya kha miṭaṭisano ya ngei Belgium na Switzerland. O vha a tshi funesa muṭaṭisano wa ngei Switzerland.

Fhano Afrika Tshipembe, o ṅewa zwiphuga luraru lwoṱhe sa mutambi wa ṅwaha wa mufumakadzi a re na vuholefhali.



Nga 2013 na 2014, Kgothatso o shela mulenzhe kha mitatšano ya mitambo ya thenisi ngei Australia, Fura, na Amerika.

O tamba e ethe kha dzi *single*. A dovha a tamba na kha dzi *double*, hune vhatambi vhavhili vha tatšana na vhanwe vhavhili.




Kgothatso o dovha a tšatisana kha Mitambo ya Vhaholefali, ine ya vha Mitambo ya Dzioḽimpiki ya vhatambi vho holefhalaho.

U ḽilugiselela yeneyi miḽatisano zwo vha zwi tshi ḽoda vhudidini vhuhulwane, fhedzi Kgothatso ho ngo laḽela thaula.




Kgothatso o dovha a vha mushumi wa biko kha pfunzo dzawe. O ya Yunivesithi ya Venda a gudela digirii ya Saints ya zwa u Dimvumvusa na Mitambo.

Ngei yunivesithi, mutambo wa thenisi wa vho dzulaho tshiduloni tsha vhaholefhali wo vha u wone fhedzi u re hone u itela vhatambi vho holefhalaho.



*Wimbledon* ngei England ndi fhethu hune miṭaṭisano i re na bvumo na ya kale ya thenisi ya farelwa hone ṅwaha muṅwe na muṅwe.

Nga 2018, Kgothatso o vha mufumakadzi wa u thoma wa Murema wa Afrika Tshipembe we a dzhenela miṭaṭisano wa vhugwena ngei *Wimbledon*.



Kgothatso o vha o fanela u fara lwendo lwa u ya England uri a tambe Wimbledon.

Fhedzi ho vha hu si na masheleni a u badela bufho na vhudzulo.

Kgothatso o vha a tshi khou vhilaela uri a nga si ye nga nṱhani ha u sa vha na masheleni.

Zwi takadzaho ndi uri o wana thuso kha tshigwada tsha vhafumakadzi vha re na mabindu.



Nga 2018, Kgothatso o vha a tshi khou ya u dzhenela miṭaṭisano ya Wimbledon ya *Grand Slam* lwa vhuṇa.

Miṭaṭisano miṇa ya ndeme ya thenisi ya shango loṭhe i ḡivhiwa sa *Grand Slam*.

O vha mutambi wa u thoma wa thenisi wa Muafrika o dzulaho tshiduloni tsha vhaholefhali we a vha kha muṭaṭisano wa dzi *Grand Slam* nṅa nga ṛwaha muthihi.



Kgothatso ndi mutambi wa thenisi a re tshiduloni tsha vhaholefhali wa vhuimo ha nṱha fhanu Afrika Tshipembe na Afurika. U vhalwa vhukati ha vhatambi vhaṱanu vha thenisi vha dzulaho tshiduloni tsha vhaholefhali shangoni loṱhe.

Naho o bvelela, Kgothatso u thusa na u tikedza vhaṱwe vhatambi vha re na vhuholefhali.

U ri sumbedza uri ni nga ita tshiṱwe na tshiṱwe, naho ni muholefhali.

## —Mbudziso

1. Kgothatso Montjane ndi nnyi? Tsalutshedzani.
2. Zwo da hani uri Kgothatso a thome u tamba thenisi?
3. Ntani dzina la tshikolo tshe Kgothatso a guda khatsho u tshina mitshino ya *Ballroom* na *Latin America*?
4. Kgothatso o dzhenela lini mitatisano ya *Wimbledon* ya *Grand Slam*? Ndi ngani zwi zwa ndeme?
5. Naa ni a tenda uri ni nga swikelela tshinwe na tshinwe, naho ni na vuholefali? Tsalusani.
6. Ndi khaedu dzifhio dzine muthu ane a shumisa tshidulo tsha vhaholefali a sedzana nadzo?
7. Ni humbula uri ndi ngani mme a Kgothatso vho khetha u mu fara nga ndila i fanaho na ine vha fara ngayo vhanwe?
8. Ndi zwifhio zwithu zwine zwa ita uri vathu vha fare vhanwe nga ndila dzi sa fani?

---

Heyi bugu ya nganea yo nwalwa nga Lutswana  
sa tshipiḁa tsha phurodzhekthe ya matheriaḁa  
dza u vhala ya Zenex Ulwazi Lwethu ya 2021.





Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:  
Basic Education  
REPUBLIC OF SOUTH AFRICA

*The Ulwazi Lwethu readers and storybooks have  
been quality assured and approved by DBE.*

Your attribution should include the following:

**Title:** Kgothatso Montjane, Mutambimakone wa Thenisi

**Author/s:** Glanice Masilo

**Translator/s:** Doris Manyamalala

**Illustrator/s:** Sibusiso Khumalo

**Assurer/s:** Tshedza Tlhako

**Language:** Tshivenda



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

